

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. An Deus habeat certam, vel solùm conjecturalem, futurorum conditionatorum notitiam?

[urn:nbn:de:hbz:466:1-77132](#)

Art. 2. nis, quæ est veluti quedam impressio, & participatio certitudinis divina scientiæ ; juxta illud quod docet Tertullianus supra relatus, Deum scilicet, tot habere testes suæ præscientiæ, quot fecit Prophetas. Unde quamvis invariabilitas cognitionis divinæ, respectu futurorum, sine illorum præsentia in aeternitate subsistere nequeat, non licet inde colligere, eam etiam desiderari ex parte certitudinis & infallibilitatis, ita quod cā seclusa, futura contingentia in decreto ab soluto & efficaci non possint certò cognosci.

DISPUTATIO V.

De scientia conditionatorum.

E Gimis huc usque defuturorum ab soluto-
rum notitia, nunc de conditionatorum
scientia disputandum est: sed quia alia est
futurorum conditionatorum scientia, quæ à
Thomistis in Deo admittitur, alia quæ à Molina
& aliis Recentioribus ipsi astringitur: illa enim
fundatur in decretis conditionatis, eaque sup-
ponit: ista est independens à decreto, eo que an-
terior, vocatur quæ à Recentioribus scientia me-
dia; ideo de utraque hic agendum est, & prima
in hac disputatione stabilienda est, secunda ve-
rò in sequenti rejicienda, ac explodata.

ARTICVLVS I.

*An Deus habeat certam, vel solum conjectu-
ralem, futurorum conditionatorum
notitiam?*

Curiel libro 1, controversiarum, controver. 7.
Corneio hīc art. 13, disp. 3, dubio 2. & Clau-
dius Typhanius, novissimus Societatis scriptor,
libro de ordine, deque priori & posteriori, cap.
25. docent futura contingentia conditionata,
non cognosci à Deo certo, sed tantum conjectu-
raliter. Pro eadem sententia citant communiter
Recentiores aliquos ex Thomistis, ut Cabreram,
Ledefinam. & Zumel; sed immerito: quamvis
enim illi videantur recedere aliquo modo à
communi sententiâ, & quam Deo concedunt a-
lii Thomistæ, negare certam futurorum condi-
tionatorum notitiam; tamen si attinet legan-
tia, & inquiratur quo sensu locuti sint, manife-
stè patet illos ab aliis non dissentire, sed tan-
tum velle, futura conditionata per ordinem ad
causas liberas & contingentes in quibus conti-
nentur, & ex via illusionis, seu connexionis ante-
cedentis cum consequenti, non fundare certam
& infallibilem cognoscibilitatem, sed conjectu-
ralem tantum & probabilem; at non negare
certam illorum notitiam haberi aliunde à causa
extrinseca, nempe decretis conditionatis, quæ
non admittunt circa omnium possibilium com-
binationes, sed tantum circa illas quarum men-
tio fit in Scriptura, & quæ ad hujus universi gu-
bernationem necessaria sunt.

Addunt præterea, Si decreta de his condi-
tionatis constituantur, ea non cognosci condi-
tionatè, sed ab solutè, quia videntur in decreto præ-
senti, & cognitione inerida est ex medio per quod
fit, unde censent hujusmodi cognitionem habe-
re rationem visionis. Non ergo immerito con-
queritur Joannes à S. Thoma contra Herice, A-
larcon, & alios Recentiores, qui gloriantur Tho-

A mistas, suis argumentis, invitox & reluctantes tandem coactos fuisse concedere Deo futuro-
rum conditionatorum notitiam; nam revera
Thomista quorum verba referuntur, non alio
sensu locuti sunt, quām quo illos sumus inter-
pretati, unde illorum Recentiorum triumphos,
quos tantū verborum pompa decantant, levigato-
rum sonitus & inanes umbras, meritò predictus
Author appellat. His p̄missis sit.

§. I.

*Statuitur esse in Deo certam futurorum condi-
tionatorum notitiam.***D**ico igitur: Deum futura conditionata cer-
tò cognoscere.

B Probarunt primò ex Scriptura, in qua futura
conditionata primò ex Scriptura, in qua futura
conditionata sàpè à Deo revelantur, & annun-
tiantur, tanquam futura: ut constat ex primi
Regum 13, ubi David cùm fugisset Ceilam, con-
suluit Dominum, *Si tradent me viri Ceile, & ri-
ros qui pecunia sunt in manu Saul.* Et dixit Domi-
nus: *tradent.* Item 3 Regum 11. *Non ingredi-
mini ad eas* (scilicet filias Gentium) *neque de illis
ingredierintur ad vestras: certissime enim avertent cora
da vestra, ut sequamini Deos earum.* Et in novo Te-
stamento habetur illud celebre testimoniū
Matthæi 11. *Si in Tyro, & Sydone facta fuerint vir-
tutes, quæ in vobis facta sunt, olim in cirene, & cilia
penitentiam egissent. Quibus in locis tria præ-
tiantur futura conditionata: scilicet traditio
David in manus Saul, simanerit in Ceile; le-
ductio, & aversio cordis, si filii Israël connubia
ducerent cum alienigenis eis vicini; & conver-
sio Tyriorum, ac Sydoniorum, si Christus apud
illos prædicasset Evangelium, & fecisset signa
quæ fecit apud Judæos. Licet enim secundum
fuerit ab solutum, respectu Salomonis verbi
gratia, qui cum mulieribus alienigenis ardentissimo amore copulatus est, & ita (ut ait facit
textus) cùm jam esset senex, depravatum est
cor ejus per mulieres, ut sequeretur deos alienos:
attamen respectu aliorum multorum, quæ
cum eisdem copulati non sunt, habuit rationem
futuri contingentis conditionatæ. Ergo certa
futurorum conditionatorum notitia, Deo de-
negari non debet.*

Respondunt Curiel & Typhanius, hæc di-
tantum per exaggerationem humanam, vel
secundum probabilem tantum cognitionem, quam
Deus habebat de hujusmodi futuris, attendendo
ad inclinationem causarum secundarum,
quæ post illis conditionibus, de se magis erant
inclinate ad illos effectus, quām ad oppositos.
Quæ responsio videtur habere aliquod funda-
mentum in Scriptura, quæ post verba Mat-
thæi 11, jam relata, *Si in Tyro, & Sydone &c. ad-
dit,* *Si in Sodomis facta fuerint virtutes, quæ facta
sunt in te, forte manserint usque ad hanc diem.* Par-
ticularia enim, forte, solam probabilitatem, & conje-
cturam; non autem infallibilitatem, & certitu-
dinem denotare videtur.

Sed hæc responso multipliciter impugnat,
potest. Primò ex verbis Scripturæ 3. Regum 11.
jam relatis, in quibus seductio, & aversio cordis
filiorum Israël, si ad alienigenas ingredierentur,
ut certissima prænuntiatur, dicit enim Scriptu-
ra. *Certissime avertent cora vestra.* Quæ particula,
certissime, omnimodam certitudinem, & infal-
libilitatem, & non solam probabilitatem, &
conjecturam significat.

Secun-

Secundū impugnari potest hæc responsio ex Augustino, quin libro de bono per severantia agens de Tyris & Sydonis, sic loquitur. cap. 9. agens de Tyris & Sydonis, sic loquitur. sed nūquid possumus dicere, etiam Tyrios, & sydonis, talibus apud se virutibus factis, credere noluisse, aut credituros non fuisse, si fierent: cū eis ipse dominus auctiūtur, quod ad huius magnæ humilitati in plementam, sicutis facta essent divinarum illa signa virtutum? Manifestè ergo Augustinus admittit certitudinem illius futuri conditionati, nempe quod credituri essent Tyrii, si talia signa viderent. Et in libro de corrept. & gratia cap. 8. loquens de his qui non sunt sapienti à Deo, ne malitia mutaret eorum intellectum, sic ait: Respondentes possunt (scilicet Pelagiani) cur illos Deus, amabiliter, & pie viverent, non tunc de vita huius periculis rapuit: ne malitia mutaret intellectum eorum, & ne scidio deciperet animas eorum. Verum hoc in perfidie non habuit, an eorum mala futura nescire: nempe nihil horum, nisi perverissime, atque infamè dicitur.

6. Tertiū refellitur eadem responsio, ex eo quod futura conditionata, interdum prædicantur, & prænuntiantur à Prophetis; ut constat ex 4. Regum 13, ubi Propheta Eliseus prædictit Regi Israëli, quod si percussisset jaculo terram quinques, aut sexies, sive septies, percussisset Syriam usque ad consumptiōnem: prædictio autem prophetica, si non sit comminatoria (sicut ista non erat) est omnino certa, & infallibilis; aliás pertinet certitudo prophetiae, ut docet D. Thomas 2. 2. quæst. 172. art. 1. Ubi triplicem prophetiam distinguit: scilicet præscientia, prædestinationis, & comminationis; inter quas hoc ponit discrimen, quod prima, & secunda, terminantur ad futura in seipsis, unde ex illis veritas futurorum in se evidenter colligitur: tertia vero non respicit futura ut in se, sed dispositionem, & ordinationem caularum ad ipsa; proinde stante hac dispositione, licet eveniens veritas non sit, subsistit veritas prophetice revelationis.

7. Confirmatur ex eodem S. Doctore quæst. 12. de venti. art. 10. Et 2. 2. quæst. 171. art. 6. ad 2. ubi ait: Licet quandoque præcisè reueletur futurum, solum quantum ad ordinem causarum: cognitionem Dei, non tantum terminatur ad ordinem, sed etiam infallibiliter ad eventum futurum. Ergo futura conditionata in Scriptura revelata, et si Propheta quandoque tantum innotescant quod ordinem caularum; attamen cognitione Dei, non tantum sicut in ordine, sed transit ad eventum futurum, aut ejus negationem sub tali conditione; & consequenter ex doctrina D. Thomæ, futura conditionata certò cognoscuntur à Deo, vel ut determinatè vera, vel ut determinatè falsa. Neque obstat particula forsan, quia Scriptura interdum utitur: hæc enim, ut dicimus in soluzione argumentorum, non dubitationem, & conjecturam; sed vel operis difficultatem, vel liberi arbitrii mutabilitatem delegat.

8. Probatur insuper conclusio ratione fundamentali. Illa cognitione est certa, & infallibilis, qua fundatur in medio certo, & infallibili: At noctis futurorum conditionatorum in Deo, fundatur in medio certo, & infallibili; in decreto scilicet ex se efficaci, absoluto ex parte subjecti, & conditionato tantum ex parte objecti, ut dicimus articulo sequenti: Ergo certa & infallibilis est. Unde licet sublati decretis conditionatio-

§. II.
Principia objectiones solvuntur.

B Objiciunt in primis Adversarii quædam Scriptura loca, quibus conjecturalē tantum futurorum conditionatorum notitiam Deo videtur tribuere: nam Genes. 3. Deus de Adam loquens sic ait: Nunc ergo ne forte mittat manum suam, & sumat etiam de ligno vita, & comedat, & vivat in eternum. Ubi particula, forte, clare denotat, hoc futurum conditionatum, Si Adam manserit in Paradiſo, sumet de ligno vita, non esse omnino certum, nec ut tale cognosci à Deo; sed conjecturaliter tantum, attentā scilicet occasione, & opportunitate loci. Item Deuteronomii 4. dicitur: Custodite igitur sollicitate animas vestras, ne forte decepatis faciat vobis scilicet similitudinem.

C Respondeo primo, particulam illam, forte, in Scriptura non semper denotare dubitationem, sed Deum more nostro loqui; vel ad ostendendam liberi arbitrii mutabilitatem, vel expendendam ipsius rei difficultatem, ut constat ex illo Joan. 8. Si mesceritis forsan & Patrem meum sciretis. Ubi particula forsan, non dubitantis affectum, sed operis difficultatem, & magnitudinem designat. Unde Hieronymus iuxta cap. 26. Jerem. 8. Verbum ambiguum forsan, majestati Domini non potest convenire: sed nostro loquitur affectu, ut liberum hominis servetur arbitrium. Et Augustinus Tract. 37. in Joan. explicans verba dicta, Forsan & Patrem meum sciretis, sic ait: Quando dicit forsan, non dabat, sed increpat. Dubitationis verbum est, cū dicitur ab homine, ideo dubitante, quia nesciente: cū vero dicitur à Deo verbum dubitationis, cū Deum nihil utique lateat, ille dubitatione arguit infidelitas, non opinatur Divinitas.

E Respondeo secundo, futura contingentia dupliciter à Deo cognosci: vel per respectum ad causas creatas, vel per ordinem ad ejus decreta. Primo modo cognoscuntur à Deo, cognitione subjectivè infallibili, objectivè autem tantum conjecturali. Secundo autem modo terminant cognitionem, etiam objectivè infallibilem. Quando ergo divina cognitione respectu contingentium significatur per particulam forsan, denotatur dubitatio objectiva per ordinem ad causas secundas, respectu quarum contingencia dicuntur; non vero subjectiva, & quæ se teneat ex parte Dei.

Objicies secundo: D. Augustinus libro de prædest. sanct. cap. 14. explicabat illud Sapient.

4. Raptus est ne malitia mutaret intellectum ejus, ait: Dicatum est secundum pericula vita hujus, non secundum præscientiam Dei, qui hoc præscrivit quod futurum erat, non quod futurum non erat. Quo loco videtur Augustinus sentire, Deum non habuisse præscientiam certam, & infallibilem hujus futuri conditionati: hominem scilicet fore peccatum, si diuini vixisset; sed solum con-

jecturalem, & probabilem cognitionem, atten-
tis periculis hujus vita, & humanâ fragilitate, I-
tem idem S. Doctor sêpe afferit, figmentum ef-
se præsciri à Deo quæ non sunt futura; ut constat
ex libro 2. contra duas Epist. Pelag. Quomodo,
inquit, præscivit ea futura (opera scilicet parvulorū in infanta mortalium, quæ fecissent, si
ad ætatem pereverissent adultam) quæ illis in in-
fanta mortalitas, quia præscientia ejus falli non po-
test, præscivit non futura. Et libro de origine Ani-
mæ contra Vincentium Viatorum cap. 12. Quo-
modo recte dicitur præscire futurum, quod non est fu-
turum. Item lib. de Prædestinat. cap. 12. Unde ta-
libus viris (id est Semipelagianis) in mentem vene-
rit: ut futura quæ non sunt futura, puniantur vel ho-
norentur merita parvulorum: Et S. Prosper in E-
pist. ad Augustinum, loquens de Semipelagia-
nis, ait: Futura quæ non sunt futura confingunt. Er-
go ex doctrina Augustini & Prosperi, non da-
tur in Deo certa futurorum conditionatorum
notitia.

13 Ad primum locum respondeo, quod quando
D. Augustinus dicit, Hoc dictum fuisse secundum
pericula vita hujus, non secundum præscientiam Dei;
solum intendit docere, quod in Scriptura Deus
revelaverat futurum illud, secundum ordinem
quem dicebat ad causas secundas, & inferiores;
per ordinem ad quas, non habebat omnino modum
certitudinem & infallibilitatem, sed probabi-
lem tantum & conjecturalem. Ut enim docet
S. Thomas 1. p. quæst. 19. art. 7. ad 2. Deus in
Scriptura revelat interdum aliquæ secundum
ordinem causarum inferiorum, licet ipse certò
sciat ea absoluere non esse eventua; quia aliter in
sua voluntate, & præscientia dispositus: sicut
cum dixit per Jonam Prophetam: Attributum quadra-
ginta dies, & Ninive subvertetur: licet ipse certò sci-
ret, eam non esse subvertendam; & sicut cum
prædictus Ezechiel per Isaiam Prophetam: Dis-
pone domuit te, quia morieristi, & non vives, ut habe-
tur Isaiæ 38. Neque tamen ita evenit, quia aliter in
scientia, & voluntate divina erat præordinatum.

14 Ad alia testimonia dicendum est, quod in his
D. Augustinus non denegat absolute Deo cer-
tam futurorum conditionatorum notitiam, sed
in eo ratiō sensu, & modo, quo asserebatur à
Pelagianis, vel Semipelagianis: independentem
scilicet à divino decreto, eoque anteriorem: vel
præscientiam futurorum, quæ haberent ratio-
nem meriti, actualiter Deum moventis, ad dan-
dam primam gratiam, & primam vocationem
ad fidem; ut enim disputatione sequenti ostendimus, Semipelagiani admittentes in Deo præ-
scientiam futurorum conditionatorum, divino
decreto anteriorem: Tum ut conciliarent ho-
minis libertatem, cum divina prædestinatione,
& decretis absolutis, ex quibus dicebant sequi
libertatis excidium, ac fatalem induci necessita-
tem, si divina constitutio humanas præveniret
voluntas, ut refert S. Prosper in Epistola ad
Augustinum. Tum etiam ut per hanc præscien-
tiā, à decreto independentem, invehement me-
rita antecedentia primam gratiam, & redderent
rationem, quare Deus hunc vocet ad fidem, &
non alium, & quare alicubi prædicetur, vel non
prædicetur Evangelium, &c.

15 Objecies tertio eyn Typhonio capite 22. libri
citat. Quamvis in Scriptura Deus aliquando
utatur oratione discursiva, non tamen sequitur
in Deo esse discursum; licet utatur enuntiationib-
us vocalibus, non est tamen in Dei intellectu

A compositio mentalis, qualis significatur enun-
tiatione vocali: Ergo similiter, quamvis in Scrip-
tura Deus dicatur scire futura conditionata
(potius conversionem Tyriorum, & Sydoniorum,
si Christus apud illos prædicasset) non se-
quitur tamen, in eo revera esse certam, & infal-
libilem illorum notitiam.

Confirmatur: Sicut discursus & enuntiatione,
dicunt imperfectionem Deo repugnantem, ita
& scientia conditionatorum: quemadmodum
enim discursus importat multipliciter, & suc-
cessionem actuum in intellectu: & enuntiatione
compositionem, ac unionem prædicti cum
subjecto: ita scientia futurorum conditionato-
rum, dicit suspensionem & hesitationem in in-
tellectu divino, cum sit de objecto suspenso, &
à conditione pendente.

Respondeo quod sicut ex eo quod Deus uta-
tur in Scriptura discursus, & enuntiatione men-
tali; bene inferimus illum purissimum, & certissi-
mo inuitu videtur habitudinem quæ habet ante-
cedens ad consequens, & unionem quæ est inter
prædicatum & subiectum: licet talis intuitus sit
sine imperfectionibus compositionis, & multipli-
cationis actuum, quæ reperiuntur in nostris discur-
sibus & enuntiationibus: ita similiter, bene,
quitur ex eo quod Deus in Scriptura pronunciat
C & revelat futura conditionata, quorum condi-
tio nunquam ponetur, ea certissime cognoscere;
sed puro intuitu, & sine imperfectionibus ha-
bitionis vel suspensionis, quas aliquid for-
tè habet intellectus humanus, dum hujusmodi
propositionibus uititur.

Ad confirmationem dicendum est, quod licet i-
scientia futurorum conditionatorum, sit de ob-
jecto suspenso, ratione conditionis à qua depen-
det, non est tamen suspensa, nec ponens ha-
bitionem in intellectu divino, ut existimat Typha-
nius, qui dum imaginariam quandam imperfec-
tionem suspensionis, quasi festucam ex oculo
& scientia Dei præputat ejicare, veram in eo trahit
ignorantia ponit, aut cognitionem conjecturalis,
& probabilem, nec iam ex parte rei cognite,
sed etiam ex parte cognoscens, quæ repugnat
perfectioni, & infallibilitati divinae scientiae.

Objecies quartu cum eodem Authore: D. 1.
Thomas hic art. 13. & quæst. 12. de verit. art. 10. &
in 1. dist. 3. quæst. 1. art. 5. docet futura con-
tingentia posse considerari dupliciter; vel in suis
caulis, vel in scipis: qualiter considerantur, non
ut futura, sed ut existentia (in mensura scilicet
æternitatis) & sub primo statu, posse tantum ter-
minare cognitione conjecturalis, sub secundo
vero, posse certò & infallibiliter à Deo cognosci:
At futura conditionata quorum conditio num-
quæ purificabitur, non possunt cognosci à Deo,
hoc secundo modo; sed tantum primo, cum non
sint presentia in æternitate, eò quod nunquam ex-
istent in aliqua differentia temporis, ad quæ ex-
tentis ratione sua infinitatis se coextendat: Ergo
non possunt cognosci à Deo, nisi conjecturaliter.

Respondeo S. Thomam in his locis tantum fu-
isse locutu de futuris contingentibus, per ordi-
nem ad causas creatas, secundum le considera-
tas, & non ut subordinatas efficaci decreto divi-
nae voluntatis. Et ita ex his locis, nihil potest inferri
cōtra nostrā sententiam, quæ docet futura ab-
soluta, vel conditionata, non posse certò cognosci
in causis secundis, sed tantum in divino de-
creto; vel quod id est in ipsis causis secundis, ut
illi subordinatis, & ab illo applicatis, & determi-
natis,

natis, ut disputatione præcedenti ostendimus.
Objiciesquinrò: Vel hæc futura conditionata cognoscuntur à Deo per scientiam simplicis intelligentiæ, vel per scientiam visionis? Neutrū dīcī potest: Ergo non cognoscuntur à Deo. Major constat, nulla enim datur in Deo scientia media, ut diputatione sequenti ostendimus. Minor probatur: Scientia simplicis intelligentiæ est omnino naturalis, & necessaria, & terminatur tantum ad possibilia ut sic, id est, indifferentia ad esse, & non esse: Atqui cognitione horum futurorum, non est naturalis, & necel- fari, cùm in nostra sententia supponit liberum divina voluntatis decretum, & in eo fundetur; neque terminatur ad merè possibilia, sed ad futura sub conditione: Ergo non est scientia simplicis intelligentiæ. Probatur etiam secunda pars Minoris: Scientia visionis est intuitiva, & terminatur ad res præsentes, & existentes in æternitate: dicitur enim visionis, metaphorā dudā à nostrâ visione, sicut super̄ annotavimus: Sed cognitione horum futurorum conditionatorum, non est intuitiva, nec terminatur ad res præsentes, & existentes in æternitate; qui illa futura conditionata nunquam habitu sunt existentiam aut præsentiam, etiam in æternitate, cùm sint ab solutè non futura: Ergo non cognoscuntur à Deo per scientiam visionis.

²² Huius argumento duplicitate respondet Thomistæ, juxta duos diversos modos explicandi scientiam simplicis intelligentiæ, & visionis. Aliquii enim dicunt, scientiam simplicis intelligentiæ non distinguunt à scientia visionis, per hoc, quod prima sit necessaria, & secunda libera; sed per hoc quod prima est abstractiva, secunda intuitiva; in quantum terminatur ad res futuras, ut præsentes in æternitate. Et iuxta hanc sententiam, & modum explicandi, dicendum est, futura conditionata, quorum conditio nunquam purificabitur, cognosci à Deo per scientiam simplicis intelligentiæ, ob rationem in argumento infinitam: quia scilicet, cùm illa nunquam sint habitura existentiam in aliqua differentia temporis, non sunt præsencia in æternitate, nec proinde terminare possunt scientiam intuitivam, qua (ut disputatione præcedenti ostendimus) necessariò requirit existentiam & præsentiam sui objecti, in ea saltem mensura, quā mensura cognitio.

¹³ Alio verò volunt, scientiam simplicis intelligentiæ distinguunt à scientia visionis, per hoc quod prima (ut pote antecederet decretum) sit naturalis, & necessaria; secunda vero libera, cùm illud supponat, & in eo fundetur, & quia hæc scientia ut plurimum, & secundum primatum objectum materiale, terminatur ad res præsentes in æternitate, dicitur intuitiva; quamvis secundum aliquid objectum minus principale, non sit intuitiva, nec visionis, sed tantum libera, & approbatiorum. Et iuxta hunc secundum modum explicandi, dicendum est, futura conditionata, quorum conditio nunquam purificabitur, cognosci à Deo per scientiam visionis, non quatenus visionis est formaliter (quia sub hac ratione terminatur solum ad res futuras ut præsentes in æternitate) sed in quantum libera est, & approbatioris, & prout habet adjunctum decretum divina voluntatis: sic enim non terminatur solum ad res futuras, ut præsentes in æternitate, sed etiam ad omnia objecta libera, & contingencia, quæcumque illa sint.

A Advertendum tamen est, futura illa conditionata duplicitate posse considerari. Primo in via illationis, & in rigore consequentiæ, & quatenus particula si, sumitur in sensu pure illativo; & hoc modo non cognoscuntur à Deo per scientiam liberam, sed per scientiam naturalem, & simplicis intelligentiæ: quia præpositio talē illationem, & consequentiā enuntians, est omnino necessaria, & reducitur in principium omnino necessarium. Unde in nostra sententia, hoc conditionatum: Si Deus præmotio efficaci hominem ad amorem prædeterminet, talē actum elicit. Et in Adversarij doctrina, Si Deus hominem vocatione congruā vocaverit, ille infallibiliter consenitet: consideratum in sensu pure illativo, & in rigore consequentiæ, & illationis, attingitur à Deo per scientiam naturalem, & simplicis intelligentiæ: quia utraque consequentiā, & illatio, reducitur in principium omnino necessarium & infallibile; scilicet in efficaciam divinæ voluntatis, vel in divinæ præscientiæ infallibilitatem. Secundo illa futura conditionata possunt considerari, non in via illationis & consequentiæ, sed ratione concomitantia quam effectus habet cum conditione, & quæ fundatur in aliqua promissione, vel proposto, aut pacto, vel in divino decreto connectente extrema, quæ interdum nullam habent inter se connexionem, sed sunt omnino disparata; ut constat in exemplo supra relato re percussione terræ cum victoria Regis Istrael; & sic dicimus illa cognosci per scientiam visionis, quatenus libera est, & approbatioris; & quatenus supponit in voluntate divina, decretum absoluū ex parte subjecti, & conditionatum ex parte objecti. De quo fusius disputatione sequenti.

ARTICULUS II.

Vtrum in Deo admittenda sint decreta absolute ex parte subjecti, & conditionata ex parte objecti, in quibus præscientia futurorum conditionatorum fundetur?

§. I.
Quibusdam premisis conclusio affirmativa statuitur.

N Otandum primo: Aliquam volitionem, ²⁵ seu aliquod decretum, posse dici duobus modis conditionatum. Primo ex parte subjecti, quando scilicet subjectum habet quādam veluti velleitatem, non tam de objecto ipso, quam de voluntate efficaci habenda circa illud, si conditione poneretur. Exemplum est: Ego vellem venari, si hoc licet Clerico. Per hunc enim modum loquendi, non designo me habere actu volitionem circa venationem; sed potius significo, me illam habiturum, supposito quod ea licet Clerico. Secundo potest aliqua volitio, seu aliquod decretum, esse & dici conditionatum ex parte objecti tantum: quando scilicet habetur actu volitio efficax ex parte voluntatis, suspenditur tamen effectus ejus, donec ponatur conditio: v.g. si aliquis dicat, Volo quod si Petrus veniat cas domum, prandeat mecum: ista volitio est tantum conditionata ex parte objecti, est enim vera & absoluta volitio prandii, dependens tamen ab aliqua conditione, nimis ab adventu Petri in domum. Quando ergo inquirimus, adestur in Deo de-

creta